

հատվածներում ծրագրի շրջանակներում իրականացված աշխատանքներին գրեթե զուգահեռ, նույն կապալառուների կողմից, Արցախի Հանրապետության կառավարության ծրագրերով և ֆինանսավորմամբ իրականացվել են նմանատիպ աշխատանքներ, որոնց վերաբերյալ որևէ փաստաթուղթ հաշվեքննությանը հասանելի չի եղել: Հաշվեքննության ընթացքում պահանջված փաստաթղթերը տրամադրվել են հատվածաբար և ոչ ամբողջական ծավալով: Հաշվի առնելով այն հանգամանքը, որ Վարդենիս-Մարտակերտ ավտոճանապարհի վերակառուցման ծրագրի մասով անհրաժեշտ և պահանջված տեղեկատվությունն ամբողջական և ճշգրիտ չի եղել, ուստի հնարավոր չի եղել հետազոտել բոլոր փաստերը և տրամադրել եզրակացություն:

ՍՈՑԻԱԼԱԿԱՆ ԱՊԱՀՈՎՈՒԹՅԱՆ ԾԱՌԱՅՈՒԹՅԱՆ ՀԱՇՎԵՔՆՆՈՒԹՅՈՒՆ

Հաշվեքննության օբյեկտները

ՀՀ աշխատանքի և սոցիալական հարցերի նախարարություն, ՀՀ աշխատանքի և սոցիալական հարցերի նախարարության սոցիալական ապահովության ծառայություն

Հաշվեքննության կատարման ժամկետը	Հաշվեքննությունն ընդգրկող ժամանակաշրջանը
--	---

07.02.19-27.12.19թթ.	01.01.18-31.12.18թթ.
----------------------	----------------------

Հաշվեքննության առարկան	Հաշվեքննության մեթոդաբանությունը
-------------------------------	---

Պետական բյուջեից հատկացված միջոցների օգտագործման, բյուջետային մուտքերի ապահովման և պետական սեփականության կառավարում:

Իրականացվել է «Հաշվեքննիչ պալատի մասին» ՀՀ օրենքին, բարձրագույն հաշվեքննիչ մարմինների միջազգային (ISSAI 100, 200 և 400) ստանդարտներին համապատասխան ֆինանսական և համապատասխանության հաշվեքննություն:

Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ
--	--	--

16	15	21
----	----	----

Հաշվեքննության կարծիք	Հղումը
------------------------------	---------------

Ֆինանսական և համապատասխանության հաշվեքննության մասով տրվել է «ոչ լիարժեք եզրահանգում» կարծիք:



Ծանոթություն: Սոցիալական ապահովության ծառայության (այսուհետ՝ ՍԱԾ) տեղեկատվական շտեմարանում, սահմանային էլեկտրոնային կառավարման տեղեկատվական համակարգում, բնակչության պեդական ռեգիստրում և այլ շտեմարաններում առկա տվյալների համադրման արդյունքում պարզվել է, որ կենսաթոշակների և նպաստների վճարման գործընթացում առկա են խեղաթյուրման էական ռիսկեր:

Առավել ուշագրավ փաստեր

Աշխատանքային կենսաթոշակ

- Երկրից 12 ամիս բացակայող աշխատանքային կենսաթոշակի շահառուներին փաստացի վճարվել է անկանխիկ եղանակով 3,003,416.9 հազ. դրամ, կանխիկ եղանակով՝ 1,781,197.0 հազ. դրամ: Երկրից բացակայող և այլ անձին լիազորագրով իրավասություն չտրված անձին կենսաթոշակի տրամադրումը ռիսկային է:
- Երկրից 3-9-ը ամիս բացակայող աշխատանքային կենսաթոշակի շահառուներին կանխիկ եղանակով փաստացի վճարվել է 3,945,015,0 հազ. դրամ: Ծառայությունը, հաշվի առնելով քաղաքացիների երկրից բացակայելու հանգամանքը, բավարար հսկողություն չի իրականացրել պարզելու համար, արդյոք տվյալ անձինք պահանջվող ժամանակաշրջանում իրականում ներկայացել և ստացել են կենսաթոշակ:
- Հայաստանի և Արցախի Հանրապետությունների միջև 2017 թվականի հոկտեմբերի 5-ին կնքված թիվ 1220-ԱԳ հուշագրով Արցախի Հանրապետության պաշտպանության բանակի շահառուներին վճարվել են կենսաթոշակներ՝ 6,510,535.8 հազ. ՀՀ դրամ գումարով: Առկա են ռիսկեր՝ պայմանավորված հաշվեքննության ենթակա մարմնում շահառուների ցանկի բացակայությամբ:
- Քրեակատարողական հիմնարկներում պատիժը կրող քաղաքացիների և հոգեբուժական բժշկական կազմակերպություններում բուժում ստացող անձանց վճարված կենսաթոշակի գումարները համարվում են ռիսկային՝ շահառուների նույնականացման հնարավորության բացակայության պատճառով:
- Կենսաթոշակի մասով «Հայփոստ» ՓԲԸ-ին 2018թ.-ին մատուցած ծառայությունների դիմաց հաշվարկվել և վճարվել է 1,330,798.5 հազ. ՀՀ դրամ, իսկ բանկերին՝ 86,545.0 հազ. ՀՀ դրամ: Բանկերի հետ կնքած պայմանագրերով մեկ կենսաթոշակառուի հաշվարկով Ծառայության կողմից հաշվարկվել և վճարվել է տարեկան 360 ՀՀ դրամ, իսկ «Հայփոստ» ՓԲԸ-ի հետ կնքված պայմանագրով՝ 4,468 ՀՀ դրամ կամ 12.4 անգամ ավելի: «Հայփոստ» ՓԲԸ-ի միջնորդավճարի չափը հիմնավորված չէ:
- 2018թ.-ի բյուջետային հայտով թոշակառուների ցուցակները ճշգրտելու, չհիմնավորված փաստաթղթերի հիման վրա աշխատանքային ստաժի հաշվարկման գործընթացում առկա ռիսկերի նվազեցման և վարչարարության ուղղությամբ իրականացվող միջոցառումների շրջանակներում, նախատեսվում էր 13 մլրդ դրամով տնտեսել բյուջետային միջոցներ, ինչը սակայն չի կատարվել:

Ընտանեկան նպաստ

Տարբեր տեղեկատվական շտեմարանների համադրման արդյունքների, հանրապետությունից տարբեր ժամանակահատվածներով բացակայելու և մի շարք ծածկագրերի սխալ կիրառման հետևանքով «Ընտանիքի կենսամակարդակի բարձրացմանն ուղղված նպաստներ» ծրագրի հաշվեքննությամբ արձանագրվել են հնարավոր էական ռիսկեր՝ 510.4 մլն դրամ: Այդ թվում՝

- 52 Սոցիալական աջակցության տարածքային գրասենյակներում (ՍԱՏԳ) հաշվառված 2148 ընտանիքների 2603 սոցիալական որևէ խումբ ունեցող անդամներ 31.12.2018թ.-ի դրությամբ, 90-ից ավելի օրեր բացակայել են ՀՀ-ից և նրանց վճարվել է ընտանեկան կամ սոցիալական նպաստ կամ հրատապ դրամական օգնություն՝ 326.3 մլն դրամ:
- 53 ՍԱՏԳ-ներում հաշվառված 1337 ընտանիքների 2091 սոցիալական որևէ խումբ ունեցող անդամներ 31.12.2018թ.-ի դրությամբ բացակայել են ՀՀ-ից (2017-2018թթ.-ի ընթացքում ՀՀ-ից դուրս եկած՝ 31.12.2018թ.-ի դրությամբ չվերադարձած): Նշված ընտանիքներին 2018թ.-ին վերոնշյալ անձանց բացակա լինելու ժամանակահատվածներում վճարվել է ընտանեկան կամ սոցիալական նպաստ կամ հրատապ դրամական օգնություն՝ 181.8 մլն դրամ:
- 46 դեպքերում, ընտանիքում Ա34 և/կամ Մ45 ծածկագրերով անձի ծնողների միջև գրանցվել է փաստացի ամուսնություն, որից հետո շահառուն ստանում է նպաստի գումարները: 17 դեպքերում ընտանիքում Ա34 և/կամ Մ45 ծածկագրերով անձի ծնողը ամուսնացել է այլ անձի հետ, սակայն շահառուն ստանում է նպաստի գումարները: 7 դեպքերում ընտանիքում Ա34 և/կամ Մ45 ծածկագրերով անձը ամուսնացել է, հաշվառվել է ներկա և շահառուն ստանում է նպաստի գումարները: Արդյունքում ավել է վճարվել 2.3 մլն դրամ նպաստ:

Պարզևավճարների տրամադրում

Արձանագրվել են պարզևավճարների կանխիկ վճարման բազմաթիվ դեպքեր, որոնք պարունակում են հնարավոր ռիսկեր: Մասնավորապես.

- ՀՀ Պաշտպանության նախարարության համակարգի շահառուների 50.1 %-ի պարզևավճարները 2018թ.-ին տրամադրվում են կանխիկ տարբերակով՝ 1.3 մլրդ դրամ:
- Արցախի Հանրապետության Պաշտպանության բանակի պարզևավճարների մասով ամբողջ կազմը, ինչպես նախկինում, այնպես էլ՝ 2018 թվականին, վճարվում է կանխիկ ձևաչափով՝ 2.9 մլրդ դրամ:
- Տարբեր տեղեկատվական շտեմարանների համադրման արդյունքների, ՍԱԾ, ՀՀ պաշտպանության նախարարության Ռազմա-Բժշկական Հանձնաժողովի (ԿՌԲՀ) և ՀՀ աշխատանքի և սոցիալական հարցերի նախարարության Բժշկա-Սոցիալական Փորձաքննության գործակալության (ԲՍՓԳ) փաստաթղթային հաշվեքննության արդյունքում «Հայրենական մեծ պատերազմի մասնակիցներին (այսուհետ՝ ՀՄՊ), ՀՄՊ և այլ պետություններում մարտական գործողությունների ընթացքում զոհված զինծառայողների ընտանիքներին տրվող և 25.11.1998թ. ՀՕ-258 օրենքի 34.1

20.05.19-30.03.20թթ.

01.01.18-30.06.19թթ.

Հաշվեքննության առարկան	Հաշվեքննության մեթոդաբանությունը
Դատական ակտերի հարկադիր կատարման ծառայության ֆինանսատնտեսական գործունեություն	Իրականացվել է ֆինանսական և համապատասխանության հաշվեքննություն: Կիրառվել են գնում, դիտարկում, հարցում, արտաքին հաստատում, վերլուծական ընթացակարգ, վերահաշվարկ հաշվեքննության ընթացակարգերը:

Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ
1	4	1

Հաշվեքննության կարծիք	Հղում
Ֆինանսական հաշվեքննության մասով տրվել է «դրական եզրահանգում» կարծիք, համապատասխանության հաշվեքննության մասով տրվել է «ոչ լիարժեք եզրահանգում» կարծիք:	

Ծանոթություն: Դեռևս 2018 թվականին Հաշվեքննիչ պալատն ուսումնասիրել էր ԴԱՀԿ 2016-2017թթ. գործունեությունը: Արձանագրվել էին խոշոր չափերի խեղաթյուրումներ և անհամապատասխանություններ: Նյութերն ուղարկվել էին ՀՀ գլխավոր դատախազություն և այժմ հարուցած է 7 քրեական գործ, ընդհանուր առմամբ 1,379,354.0 հազ. ՀՀ դրամի պետությանը վնաս պատճառելու համար: 2019 թվականին Հաշվեքննիչ պալատը կրկին ուսումնասիրել է ԴԱՀԿ գործունեությունը և արձանագրել է, որ թեև նախորդ ուսումնասիրությամբ արձանագրված շեղումների որոշ մասը շտկվել էր, այնուամենայնիվ կրկին արձանագրվել են խնդիրներ:

Առավել ուշագրավ փաստեր

- 2018 թվականին և 2019 թվականի առաջին կիսամյակում Ճանապարհային ոստիկանության պահանջով ՀՀ արդարադատության նախարարության դատական ակտերի հարկադիր կատարման ծառայության (այսուհետև՝ ԴԱՀԿ ծառայություն) կողմից հարուցված վարույթների կեսն ավարտվել է պարտապանների գույք կամ եկամուտ չունենալու հիմքով: Ընդ որում, պարտապան հանդիսացող 114 անձանց նկատմամբ 2018 թվականի ընթացքում հարուցվել և օրենքի սույն հիմքով ավարտվել են 100-ից ավելի կատարողական վարույթներ: Փաստորեն, այդ անձինք, չունենալով գույք կամ եկամուտ, փաստացի շահագործել են ավտոմեքենա և կատարել են բազմաթիվ խախտումներ, որի համար նրանց նկատմամբ հարուցվել և ավարտվել են 158,735.8 հազ. դրամ բռնագանձման ենթակա գումարով 19,275 վարույթներ:

- 2018 թվականին և 2019 թվականի առաջին կիսամյակում տաքսի ծառայություն մատուցող կազմակերպությանը պատկանող ավտոմեքենաներով խախտումների համար 2,753 վարչական ակտերով նշանակված 21,447.0 հազ. դրամի տուգանքներն արձանագրվել են գույք կամ եկամուտ չունեցող երեք ֆիզիկական անձի նկատմամբ, մեկ այլ կազմակերպությանը պատկանող ավտոմեքենաների 339 վարչական ակտերով 2,037.0 հազ. դրամի տուգանքներն արձանագրվել են գույք կամ եկամուտ չունեցող մեկ ֆիզիկական անձի նկատմամբ:
- Մեկ ֆիզիկական անձի նկատմամբ հարուցված 8,739.3 հազ. դրամի 1,100 կատարողական վարույթներ ավարտվել են գույք կամ եկամուտ չունենալու հիմքով այն դեպքում, երբ այդ ֆիզիկական անձն ունեցել է սեփականության իրավունքով իրեն պատկանող 11 ավտոմեքենա, որոնցից և ոչ մեկի վրա հարկադիր կատարողները բռնագանձում չեն տարածել:
- 2018 թվականին հարուցված և գույք կամ եկամուտ չունենալու հիմքով ավարտված 64,006.0 հազ. դրամ բռնագանձման ենթակա գումարով 7,205 վարույթներով 100-ից ավելի խախտում կատարած 34 պարտապան ֆիզիկական անձ ունեցել է մեկ կամ ավելի սեփականության իրավունքով իրեն պատկանող ավտոմեքենա, սակայն հարկադիր կատարողները պարտապանների ավտոմեքենաների վրա բռնագանձում չեն տարածել:
- 2018 թվականին և 2019 թվականի առաջին կիսամյակում ՀՀ պետական եկամուտների կոմիտեի պահանջով հարուցված 37,035.3 հազ. դրամի 56 կատարողական վարույթներ հարկադիր կատարողների որոշումներով ավարտվել են «Դատական ակտերի հարկադիր կատարման մասին» ՀՀ օրենքի 41-րդ հոդվածի 2-րդ մասի՝ «Կատարողական վարույթն ավարտելու մասին հարկադիր կատարողը կայացնում է որոշում» հիմքով: Փաստորեն, հարկադիր կատարողներն ընդամենը հղում են կատարել որոշում կայացնելու իրենց վերապահված իրավասությանը, սակայն որոշումներում բացակայում է վարույթն ավարտելու հիմքը:
- ՊԵԿ պահանջով պետական բյուջեի օգտին բռնագանձման ենթակա 10,000.0 հազ. դրամը գերազանցող ավարտված կատարողական վարույթներից երեք դեպքում պարտապան հանդիսացող իրավաբանական անձինք ունեցել են գույք, սակայն հարկադիր կատարողները գույքը հայտնաբերելու ուղղությամբ կատարողական գործողությունները պատշաճ չեն կատարել, ավարտել են վարույթները և պետական բյուջե մուտք չի եղել դրամական արտահայտությամբ՝ 153,862.3 հազ. դրամ:
- ՊԵԿ պահանջով 2018 թվականին հարուցված 242 կատարողական վարույթներ Ծառայության կողմից կարճվել են, քանի որ առկա են եղել «Դատական ակտերի հարկադիր կատարման մասին» ՀՀ օրենքով նախատեսված հարկադիր կատարման սահմանափակումներ: Պարզվել է, որ ֆիզիկական անձանց նկատմամբ 200.0 հազ. դրամը գերազանցող, ինչպես նաև իրավաբանական անձանց նկատմամբ կարճված վարույթներով այդ վարչական ակտերը դատարանի վճռով տրված կատարողական թերթերով ՊԵԿ-ի կողմից չեն վերադարձվել Ծառայություն բռնագանձման համար: Այդ վարչական ակտերով պետական բյուջե մուտք չի եղել 563,302.0 հազ. դրամ, և խնդիրը ենթակա է ուսումնասիրության ՊԵԿ-ում հաշվեքննության շրջանակում:

- 2018 թվականին և 2019 թվականի առաջին կիսամյակում ՊԵԿ պահանջով հարուցված 5155 կատարողական վարույթներ կարճվել են պահանջատիրոջ կողմից պահանջների կատարումից հրաժարվելու հիմքով: Արդյունքում, ՊԵԿ պահանջով հարուցված վարույթներից այդ հիմքով կարճվել են 374,558.8 հազ. դրամի վարույթներ, իսկ Ծառայությունը պահանջատիրոջից չի բռնագանձել կատարողական գործառույթների համար նվազագույն մեկ տոկոսի չափով իրեն հասանելիք գումարը:
- Հաշվի առնելով, որ «Դատական ակտերի հարկադիր կատարման մասին» ՀՀ օրենքի համաձայն՝ ավարտման հիմքերի վերացման դեպքերում հարկադիր կատարողը պահանջատիրոջ դիմումի հիման վրա կամ սեփական նախաձեռնությամբ որոշում է կայացնում ավարտված կատարողական վարույթը վերսկսելու մասին, պետական բյուջեի օգտին ՀՀ պետական եկամուտների կոմիտեի պահանջով բռնագանձման ենթակա գումարների մուտքերը ապահովելու նպատակով հարկադիր կատարողների և ՀՀ պետական եկամուտների կոմիտեի մարմինների համար նպատակահարմար է իրավական ակտերով սահմանել հսկողության պարտադիր պարբերականություն՝ ավարտված կատարողական վարույթների ավարտման հիմքերի վերացումը հայտնաբերելու համար:
- 2019 թվականի հուլիսի 1-ի դրությամբ՝ ԴԱՀԿ ծառայության տարբեր բաժինների դեպոզիտային հաշիվներին առկա է չպարզված 185,516.7 հազ. դրամի մնացորդ, որի պահանջատերերը տարիներ շարունակ անհայտ են: Այդ գումարները նպատակահարմար է փոխանցել պետական բյուջե՝ հետագայում պահանջատերերի ի հայտ գալու դեպքում պահանջը պետական բյուջեի միջոցների հաշվին բավարարելու պայմանով:
- ԴԱՀԿ ծառայության Երևանի բաժնի դեպոզիտային հաշվին առկա է տարբեր պետական մարմինների պահանջով բռնագանձված 44,533.0 հազ. դրամ, որն անհրաժեշտ է փոխանցել պետական բյուջե:
- ԴԱՀԿ ծառայությունը մրցույթ անցկացնելու փոխարեն կազմակերպության հետ մեկ անձից գնման եղանակով կնքել է ծառայությունների մատուցման պայմանագիր, որով նախատեսվել էր կազմակերպել հյուրասիրություն և տոնական միջոցառումներ: Պայմանագրի շրջանակներում առանց կանխավճարի ապահովման տրվել է կանխավճար: Կնքված պայմանագրի տեխնիկական բնութագրերում բացակայում են տվյալներ միջոցառման կազմակերպման արժեքի, ֆիլմի պատրաստման արժեքի, ինչպես նաև բեյջերի, պաստառների գնի ու քանակի վերաբերյալ, և հնարավոր չէ գնահատել գնման շրջանակում 12,105.9 հազ. դրամ ծախսի հիմնավորվածությունը:

ԳԻՏՈՒԹՅԱՆ ԿՈՄԻՏԵԻ ՀԱՇՎԵՔՆՆՈՒԹՅՈՒՆ

Հաշվեքննության օբյեկտը

ՀՀ կրթության, գիտության, մշակույթի և սպորտի նախարարության գիտության կոմիտե

Հաշվեքննության կատարման ժամկետը	Հաշվեքննությունն ընդգրկող ժամանակաշրջանը
---------------------------------	--

24.09.19-24.12.19թթ.

01.01.18-31.12.18թթ.

Հաշվեքննության առարկան	Հաշվեքննության մեթոդաբանությունը
------------------------	----------------------------------

Գիտության կոմիտեի 2018 թվականի ֆինանսատնտեսական գործունեություն

Հաշվեքննությունն իրականացվել է «Հաշվեքննիչ պալատի մասին» ՀՀ օրենքին, Բարձրագույն հաշվեքննիչ մարմինների միջազգային (ISSAI 100, 200 և 400) ստանդարտներին համապատասխան:

Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ
-------------------------------------	-------------------------------------	-------------------------------------

7

-

12

Հաշվեքննության կարծիք	Հղումը
-----------------------	--------

Ֆինանսական հաշվեքննության արդյունքում տրվել է «Հրաժարում եզրահանգում ներկայացնելուց», իսկ համապատասխանության հաշվեքննություն մասով տրվել է «Բացասական եզրահանգում» կարծիք:



Առավել ուշագրավ փաստեր

Պետական բյուջեի ֆինանսավորմամբ իրականացվող գիտական և գիտատեխնիկական գործունեության ծրագրերի և թեմաների մոնիթորինգ

ՀՀ պետական բյուջեի ֆինանսավորմամբ իրականացվող գիտական և գիտատեխնիկական գործունեության ծրագրերի և թեմաների մոնիթորինգի կարգի համաձայն՝ Գիտության կոմիտեի կամ նրա կողմից լիազորված անձի կողմից պետք է իրականացվեր ՀՀ պետական բյուջեի ֆինանսավորմամբ իրականացվող գիտական և գիտատեխնիկական գործունեության բազային, նպատակային-ծրագրային ծրագրերի պայմանագրային թեմատիկ նախագծերի մոնիթորինգ տարեկան մեկ անգամ՝ ոչ ուշ, քան կատարման ավարտից երեք ամիս առաջ:

Հաշվեքննության ընթացքում պարզվել է, որ 2018 թվականի ընթացքում կոմիտեի կողմից որևէ ծրագրի մասով կարգի համաձայն մոնիթորինգ չի իրականացվել:

Գիտական և գիտատեխնիկական գործունեության բազային ֆինանսավորում

- Փաստացի դրամարկղային ծախսը ծրագրի մասով կազմել է 7,273,374.9 հազ. դրամ, որի շրջանակներում կազմակերպությունների հետ կնքվել են դրամաշնորհի տրամադրման պայմանագրեր: Կազմակերպությունները Կոմիտեին պետք է ներկայացնեին պայմանագրով նախատեսված ձեռքբերումները «Գնումների մասին» ՀՀ օրենքով սահմանված կարգով իրականացնելու պատասխանատու

ստորաբաժանում և համակարգող սահմանելու, գնահատող հանձնաժողով սահմանելու մասին հրամանների, ինչպես նաև գնահատող հանձնաժողովների արձանագրությունների, կնքված պայմանագրերի պատճենները: Կոմիտեին ներկայացված հաշվետվություններում նշված փաստաթղթերը բացակայել են:

- Ծրագրի շրջանակներում բյուջետային ծախսերի և բյուջետային պարտքերի մասին հաշվետվությունները լրացված են թերություններով, իսկ 4 կազմակերպության մասով 2018թ. տարեկան հաշվետվություն չի ներկայացվել:

- Կոմիտեն Գիտությունների ազգային ակադեմիային ծրագրի շրջանակում տրամադրել է 4,500,417.0 հազ. դրամ գումար: Ակադեմիայի դեբիտորական, կրեդիտորական պարտքերի և պահեստավորված միջոցների մասին հաշվետվությամբ 2017 թվականի տարեվերջի դեբիտորական պարտքը չի համապատասխանում 2018 թվականի տարեսկզբի դեբիտորական պարտքին: Արդյունքում, Կոմիտեի կողմից 816,104.7 հազ. դրամով մեծացվել է փաստացի ծախսի մեծությունը, որի վերաբերյալ որևէ հիմնավորում չի ներկայացվել:

Գիտական և գիտափորձնական նպատակային-ծրագրային հետազոտություններ

Փաստացի դրամարկղային ծախսը կազմել է 135,000.0 հազ. դրամ, որի շրջանակներում կազմակերպությունների հետ կնքվել են դրամաշնորհի տրամադրման պայմանագրեր: Կազմակերպությունները Կոմիտեին պետք է ներկայացնեին պայմանագրով նախատեսված ծախսեր հաստատող բոլոր փաստաթղթերի պատճենները, ինչը բացակայել է հաշվետվություններում:

Գիտական և գիտափորձնական գործունեության պայմանագրային թեմատիկ հետազոտություններ

- Փաստացի դրամարկղային ծախսը կազմել է 1,238,195.0 հազ. դրամ, որի շրջանակներում կազմակերպությունների հետ կնքվել են դրամաշնորհի տրամադրման պայմանագրեր: Կազմակերպությունները Կոմիտեին պետք է ներկայացնեին պայմանագրով նախատեսված ծախսերը հաստատող բոլոր փաստաթղթերի պատճենները, մինչդեռ կազմակերպությունների կողմից ներայացված ծրագրի ծախսերն առանձնացված չեն եղել կազմակերպության կողմից կատարված այլ ծախսերից:

- Ծրագրի շրջանակներում Հայաստանի երիտասարդական հիմնադրամին նվիրաբերության պայմանագրի հիման վրա տրամադրվել է 100,000.0 հազ. դրամ: Սույն պայմանագիրը չի համապատասխանում ՀՀ կառավարության «Գիտական և գիտատեխնիկական գործունեության պայմանագրային թեմատիկ ֆինանսավորման կարգը հաստատելու մասին» 2001 թվականի թիվ 1122 որոշման 3-րդ մասով սահմանված պահանջներին, որի համաձայն նախարարությունը հաստատում է թեմատիկ ֆինանսավորման գծով ֆինանսավորվող թեմաների ցանկը և դրանց ղեկավարների ցուցակը, որից հետո «Գնումների մասին» ՀՀ օրենսդրությամբ սահմանված կարգով, նշված ցանկում ընդգրկված թեմաների ղեկավարների հետ կնքվում է պայմանագրեր: Պայմանագրի համաձայն՝ Հայաստանի երիտասարդական հիմնադրամը պետք է Կոմիտեին ներկայացնեի միջոցառումների իրականացման մասին ՀՀ օրենսդրությամբ սահմանված կարգով հաշվետվություններ, սակայն

Կոմիտեում բացակայում էին 100,000.0 հազ. դրամի ծախսը հիմնավորող փաստաթղթերը և հաշվետվությունը:

«ՔԵՆԴԼ սինքրոֆրոնային հեփազոֆրոնների ինստիտուտ» հիմնադրամ

• Հիմնադրամի կողմից 2018 թվականի 25,140.2 հազ. դրամի նյութական արժեքների ծախսագրումները կատարվել են ձեռքբերման փաստաթղթերի՝ հարկային հաշիվների հիման վրա՝ առանց պահանջագրերի և նյութական արժեքների ծախսագրման հաշվետվությունների կազմման: Հաշվեքննության ընթացքում պարզվել է, որ Հիմնադրամը հարկային հաշվով ստացված նյութական արժեքները անմիջապես ծախսագրել է՝ առանց դրանք որպես պաշար ճանաչելու և մուտքագրելու պահեստ, ինչպես սահմանված է Հաշվապահական հաշվառման միջազգային ստանդարտ (ՀՀՄՍ) 2-ով:

• Հիմնադրամի կողմից հաշվետու ժամանակահատվածում վառելիքը ծախսագրվել է ձեռքբերման փաստաթղթերի՝ հարկային հաշիվների հիման վրա: Հիմնադրամի կողմից կազմվել են երթուղային թերթիկներ, սակայն դրանք չեն հանդիսացել ծախսի ճանաչման համար սկզբնական փաստաթուղթ: Մասնավորապես, բոլոր թերթիկներում լրացված չեն տրանսպորտային միջոցի մեկնման վայրերը, արձանագրված չեն մեքենաների վառելիքի տարաների մնացորդը, նորմայով և փաստացի վառելիքի ծախսը, տնտեսումը կամ գերածախսը:

• Հիմնադրամի կողմից կատարվել է ապրանքների գնման 1,237 հազ. դրամ արժեքով երկու գործարք հարկային հաշիվների և վճարման հանձնարարագրերի հիման վրա, առանց իրականացնելու պետական գնումների մասին օրենսդրությամբ սահմանված գնում և առանց կնքելու պայմանագիր, ինչը հանգեցրել է անհամապատասխանության «Բյուջետային համակարգի մասին» ՀՀ օրենքի 15-րդ հոդվածի 11-րդ մասի նկատմամբ:

Գիտաշխատողներին գիտական աստիճանների համար տրվող հավելավճարներ

• Ծրագրի շրջանակներում 2018 թվականին կատարվել է 776,752.7 հազ. դրամ դրամարկղային ծախս: Հաշվեքննության ընթացքում պարզվել է, որ Կոմիտեի նախագահի հրամանով հաստատված «ՀՀ պետական բյուջեի հաշվին իրականացվող գիտական և գիտատեխնիկական գործունեության ծրագրերում ընդգրկված գիտական աստիճան ունեցող գիտաշխատողներին վճարվող հավելավճարները կազմակերպություններին տրամադրելու» կարգի դրույթները խախտվել են: Մասնավորապես, 85-ից 65 կազմակերպություն չի պահպանել հավելավճարների տրամադրման հայտերի ներկայացման ժամկետները, 37 կազմակերպություններ տարվա ընթացքում ներկայացրել են ընդամենը 1 եռամսյակային հայտ (որոշ դեպքերում հայտերում առկա են միևնույն անձանց տվյալների կրկնօրինակներ), հայտերում արտացոլված դոկտորների և թեկնածուների ընդհանուր թիվը չի համապատասխանում իրականությանը:

• 2018 թվականի տարեսկզբին հավելավճարների մասով դեբիտորական պարտքը կազմել է 26,679.4 հազ. դրամ, իսկ տարեվերջին՝ 9,645.5 հազ. դրամ, որից «ՀՀ ԳԱԱ Մ. Արեղյանի անվան գրականության ինստիտուտ» ՊՈԱԿ-ի մասով տարեսկզբին դեբիտորական պարտքը կազմել է 9,300.0 հազ. դրամ, իսկ տարեվերջին՝ 9,500.0 հազ. դրամ: Ընդ որում, «ՀՀ ԳԱԱ Մ. Արեղյանի անվան գրականության ինստիտուտ»

ՊՈԱԿ-ին 2018 թվականի ընթացքում փոխանցվել է 17,600.0 հազ. դրամ ֆինանսավորում «Գիտաշխատողներին գիտական աստիճանների համար տրվող հավելավճարներ» ծրագրի շրջանակում:

- Հաշվեքննության ընթացքում հավելավճարների մասով Կոմիտեի կողմից ՀՀ ֆինանսների նախարարություն ներկայացված 2018 թվականի տարեկան հաշվետվության մեջ հավելավճարների ծախսը, ըստ կազմակերպությունների կողմից ներկայացված հայտերի հիման վրա զեկուցագրերով վճարման ներկայացված թվերի, կազմել է 787,375.0 հազ. դրամ: Արդյունքում, հաշվետվությունում ներկայացվել է 6,411.6 հազ. դրամի չափով չհիմնավորված ծախս:

Հավելավճարների ուսումնասիրությամբ պարզվել է, որ հայտերի տվյալների հիման վրա պետք է հաշվարկվեր հավելավճարներ դոկտորներին՝ 2,929 անգամ, գիտությունների թեկնածուներին՝ 6,270 անգամ՝ ընդամենը 303,200.0 հազ. դրամ գումարով: Կոմիտեի կողմից փաստացի ծախսը հաշվարկվել է ընդամենը 302,150.0 հազ. դրամ: Կատարվել է 1,050.0 հազ. դրամի պակաս ծախս: Ընդ որում, պակաս է հաշվարկվել դոկտորի 8 վճարում և գիտությունների թեկնածուի 49 վճարում, իսկ ավելի՛ դոկտորի 3 վճարում և գիտությունների թեկնածուի 17 վճարում:

ՀՀ ԱՐՄԱՎԻՐԻ ՄԱՐԶՊԵՏԱՐԱՆԻ ՀԱՇՎԵՔՆՆՈՒԹՅՈՒՆ

Հաշվեքննության օբյեկտը		
ՀՀ Արմավիրի մարզպետարան		
Հաշվեքննության կատարման ժամկետը	Հաշվեքննությունն ընդգրկող ժամանակաշրջանը	
24.09.2019-20.12.2019թթ.	01.01.2018-31.12.2018թթ.	
Հաշվեքննության առարկան	Հաշվեքննության մեթոդաբանությունը	
Արմավիրի մարզպետարանի Ֆինանսատնտեսական գործունեություն	Հաշվեքննությունն իրականացվել է «Հաշվեքննիչ պալատի մասին» ՀՀ օրենքին, Բարձրագույն հաշվեքննիչ մարմինների միջազգային (ISSAI 100, 200 և 400) ստանդարտներին համապատասխան:	
Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ
5	2	11
Հաշվեքննության կարծիք		Հղումը
Համապատասխանության հաշվեքննության մասով տրվել է «բացասական եզրահանգում» կարծիք, ֆինանսական հաշվեքննության մասով տրվել է «հրաժարում եզրահանգում ներկայացնելուց» կարծիք:		

Առավել ուշագրավ փաստեր

- Արմավիրի մարզպետարանի (այսուհետ՝ Մարզպետարան) և մարզպետարանի ենթակայության տակ գտնվող պետական ոչ առևտրային